



**SCOLA  
LUMNEZIA**

**434.00**

---

**Reglament davart  
l'organisaziun dallas  
visetas da scola e la  
discussiun alla meisa  
rodonda dil cussegl da  
scola, dalla direcziun  
da scola e dallas  
persunas d'instrucziun**

dils 13 da zercladur 2013, vers. 1.1

---



## **1. La situaziun da partenza**

Il cussegl da scola representa sco autoritad politica ils interess publics en scola e meina la scola tenor l'incumbensa legala. El gestiunescha la scola operativamein ed agescha sco grems directiv dalla scola. Il cussegl da scola sustegn la direcziun dalla scola e las personas d'instrucziun da realisar lur incumbensa. El promova la collaboraziun cun tut las instanzas cumpigliadas el menaschi da scola.

Il meinascola surpren la gestiun operativa dils camps pedagogia, pedagogia speciala, direcziun dil personal, organisaziun ed administraziun sco era finanzas. Perquei che la direcziun dalla scola surpren la direcziun dil personal, ha ella era l'incumbensa da valetar e da promover las personas d'instrucziun.

Las incumbensas dil cussegl da scola cumpeglian pli e pli damondas strategicas e meins damondas operativas. Il camp da lavur dil cussegl da scola sedistanziescha adina pli fetg dils fatgs da scola dil mintgadi.

Las cumpetenzas dil cussegl da scola e dil meinascola, denton era il contact cun las personas d'instrucziun ston vegnir reglai da niev. Las visetas da scola dil cussegl da scola survegnan in niev cuntegn ed ina nova impurtonza. In brat regular denter il cussegl da scola, la direcziun dalla scola ed il team da scolasts duei rinforzar la confidanza vicendeivla dil patrun e dallas personas employadas.

## **2. Las premissas**

- Ils commembers dil cussegl da scola enonuschan ils process da svilup dalla scola e las cundiziuns da basa dil menaschi.
- Las cumpetenzas dil cussegl da scola, dalla direcziun dalla scola e dallas personas d'instrucziun ein claras.
- Ils commembers dil cussegl da scola observan il menaschi da scola cun ina buna purziun empatia ed objectivitat e senza pregiudezis.
- Las personas d'instrucziun ein prontas da dar al cussegl da scola in'envesta en lur mintgadi da scola e prendan temps per il discuors da feedback.
- Il cussegl da scola pren temps per las visetas da scola, per ils discuors da feedback e per ina discussiun alla meisa rodunda.



### **3. La finamira dallas visetas da scola dil cussegl da scola**

- Il cussegl da scola viseta la scola sco grems directiv per s'informar davart la situaziun dil mintgadi da scola. El seconfruntescha cun la realitad da scola.
- Cun far la viseta e menar il discuors da feedback tgira il cussegl da scola il contact cun las personas d'instrucziun.

### **4. La finamira dallas discussiuns alla meisa rodonda dil cussegl da scola, dalla direcziun dalla scola e dallas personas d'instrucziun**

- El rom dalla discussiun alla meisa rodonda han tut las personas cumpigliadas el menaschi da scola la pusseivladad da sebrattar davart temas che risguardan il menaschi da scola.
- La discussiun comunabla duei rinforzar la confidanza e la capientscha vicendeivla dallas autoritads e dallas personas d'instrucziun.

### **5. L'organisaziun dallas visetas da scola e dil discuors da feedback**

- Ils dus (in) commember(s) dil cussegl da scola responsabel(s) fan segiramein la viseta ina ga enteifer dus onns da scola durant duas lecziuns (sch'ils uraris lubeschan, schiglioc mo durant ina lecziun) dalla persona d'instrucziun.
- Igl emprer semester visetan tut ils commembers dil cussegl da scola lecziuns dallas personas d'instrucziun attribuidas ad els e quei durant in di fix avon igl 1. da december. Ils commembers dil cussegl da scola s'entaupan per in gentar comunabel.
- Per quei di da viseta definescha il cussegl da scola in punct d'observaziun central.
- Durant la sesida dil cussegl da scola digl uost ...
  - fixescha il cussegl da scola la data per la viseta da scola che ha liug durant igl emprer semester
  - distribuescha il meinascola il plan da repartiziun
  - definescha il cussegl da scola in punct d'observaziun central
  - fixescha il cussegl da scola la data per la discussiun alla meisa rodonda che ha liug l'entschatta da schaner
- Il secund semester vegnan fatgas visetas da scola punctualas; igl ei era pusseivel da visitar ina jamna da project, in'excursiun ni in'occurrenza per ils geniturs.
- Las visetas da scola vegnan annunziadas, il punct d'observaziun central vegn communicaus allas personas d'instrucziun.
- Suenter mintga viseta da scola ha liug il discuors da feedback. Quel vegn fatg durant las davosas 20 minutas dalla secunda lecziun en in liug senza disturbi. Per



quei temps dat la persuna d'instrucziun in pensum alla classa. Sil scalem primar ed en scoletta ha il discuors liug ella secunda lecziun sch'in autra persuna d'instrucziun survigilescha la classa, schiglioc duront ina pausa.

### **5.1 Ils cuntegns dil discuors da feedback**

- Dar in resun arisguard las observaziuns fatgas e sclarir modas da proceder nuncapidas.
- Eruir il beinstar general.
- Remarcar basegns specials e nudar giavischs.
- Mussar capientscha per situaziuns particularas, apprezzar igl engaschi ed engraziar.
- Schabetgs remarcabels ed ils cuntegns dil discuors da feedback vegnan nudai sin il formular previu (aschunta I). Quel suttascrivan omisduas partidas. La persuna d'instrucziun survegn ina copia, igl original archivescha il presidi dil cussegl da scola.

### **5.2 Limitaziuns**

- La valetaziun professiunala e la promoziun dallas persunas d'instrucziun ei l'incumbensa dalla direcziun dalla scola.
- Sch'ils commembers dil cussegl da scola ein digl avis ch'ina intervenziun seigi necessaria, vegn la persuna d'instrucziun informada el rom dil discuors da feedback che ton las observaziuns positivas sco era las observaziuns negativas vegnien nudadas e comunicadas alla direcziun dalla scola.

## **6. L'organisaziun dalla discussiun alla meisa rodonda**

- Il presidi dil cussegl da scola envida igl entir cussegl da scola, la direcziun dalla scola ed il team da scolasts a quella discussiun che ha liug l'entschatta da schaner.
- La discussiun alla meisa rodonda ha liug la sera, la data vegn fixada duront la sesida dil cussegl da scola digl uost.
- La discussiun ei obligatoria per tut las persunas d'instrucziun, per il meinascola e per ils commembers dil cussegl da scola.

### **6.1 Ils cuntegns dalla discussiun alla meisa rodonda**

- Il presidi dil cussegl da scola surdat al team da scolasts ina resumaziun arisguard il punct d'observaziun central.
- Sclarir damondas generalas e puncts da discussiun ch'ei resultai dallas visetas da scola.



- Discussiunar temas actuals che pertuccan l'entira scola.
- Dar in resun concernent ils resultats d'ina eventuala retscherca.
- Dar vinavon informaziuns.
- Eventualmein far in referat.
- Finir la sera pacificamein.

Approbau dil cussegl da scola, ils 13 da zercladur 2013

Per il cussegl da scola:

---

Elisabeth Lorez  
president dil cussegl da scola

---

Evelyn Casanova  
actuara dil cussegl da scola



**Aschunta I**

**Formular per la viseta da scola**

**Indicaziuns generalas**

Persuna d'instrucziun \_\_\_\_\_ Classa \_\_\_\_\_

Rom \_\_\_\_\_ Data/temps \_\_\_\_\_

**Punct d'observaziun central (definescha il cussegl da scola mintgamai all'entschatta dil semester)**

---

---

**Notizias duront l'observaziun  
(nudar en fuorma da cavazzins duront la viseta da scola)**

**Basegns e temas particulars che vegnan discussiunai duront il discuors da feedback  
(nudar en fuorma da cavazzins duront il discuors da feedback)**

La viseta da scola ei vegnida discussiunada:  
Data e suttascripziun dalla persuna d'instrucziun \_\_\_\_\_

Data e suttascripziun dils commembers dil cussegl da scola \_\_\_\_\_  
La persuna d'instrucziun survegn ina copia, igl original archivescha il presidi dil cussegl da scola.